



Broj/Број:04/5-50-134-9/13
Sarajevo/Сарајево, 29.04.2013.

I n f o r m a c i j a

sa 82. Rose-Roth seminaru Parlamentarne skupštine NATO-a,
održanog u Marakešu, Maroko, od 03.04 do 05.04.2013.

Na 82. Rose-Roth seminaru učestvovali su: Milorad Živković, predsjedavajući Delegacije Parlamentarne skupštine BiH u Parlamentarnoj skupštini NATO-a i Asim Sarajlić, član Delegacije.

Učesnicima 82. Rose Roth seminaru su se u uvodnom dijelu obratili Karim Ghellab-predsjednik Predstavničkog doma i Mohamed Cheikh-predsjednik Doma senatora Parlamenta Kraljevine Maroka, ambasador Dirk Brengelmann – pomoćnik generalnog sekretara NATO za politička i sigurnosna pitanja i Hugh Bayley-predsjedavajući NATO PS.

Predstavnici Parlamenta Kraljevine Maroka su prezentirali aktuelni trenutak Kraljevine Maroko gdje su se osvrnuli na aktuelnu političku i ekonomsku situaciju u zemlji, status i implementaciju odredbi novog Ustava, odnosima sa susjedima i NATO te stanju u regionu.

Prvog dana seminaru (02.04.2013.) razgovarano je stanju u zemljama regiona sjeverne Afrike. Posebno je bilo interesantno izlaganje ministra vanjskih poslova Kraljevine Maroko koji je vrlo precizno i jasno prezentirao stavove i državnu politiku Kraljevine Maroko. Posebna poglavlja u raspravi bili su posvećeni stanju u državi Mali, odgovoru na sigurnosne izazove, gdje se vrlo burna rasprava vodila o tome kako odgovoriti na sve izraženije terorističke napade u zemljama Sjeverne Afrike i Bliskog Istoka.

O brojnim izazovima regiona i ulozi parlamenta u prevazilaženju aktuelnog stanja svoj osvrt, pored predstavnika zemalja regiona dali su predstavnici Parlamentarne skupštine Mediterana.

Drugog dana seminaru (03.04.2013. godine) raspravljalo se o zabrinjavajućem stanju u Siriji. O aktuelnom stanju u Siriji, ulozi zemalja tzv. MENA (Sjeverna Afrika i Bliski Istok), diplomatskim naporima Organizacije Ujedinjenih naroda, implikacijama trenutnog sigurnosnog stanja u Siriji na region, odnosima velikih sila u pogledu na aktuelno stanje u Siriji vođena je vrlo otvorena rasprava gdje su bila evidentna različita mišljenja i pogledi kao i prijedlog potpuno dijametralnih rješenja po pojedinim pitanjima.

Razmijenjena su mišljenja o socijalnim, ekonomskim i političkim reformama u zemljama MENA te podršci zemalja Europske unije u izgradnji i obnovi društva i zemalja u cjelini. Tranzicijski period traži jasnu i nedvosmislenu podršku što zemlje MENA očekuju od Evropske unije.

Trećeg dana seminara (05.04. 2013.) razgovarano je o naučenim lekcijama post-komunističke tranzicije u Evropi i perspektivama regionalnog dijaloga. Potrebna iskustva evropskih zemalja su po riječima predstavnika MENA dobro došla.

Zanimljiva rasprava je vođena tokom prezentacije o Aktuelnim izazovima u Iranu i njihovom uticaju na stanje globalne sigurnosti.

Seminar je okončan raspravom o parametrima koji govore o podršci MMF zemljama MENA regiona u njihovom nastojanju za makro-ekonomsku stabilnost te fiskalnoj krizi u zemljama MENA.

Informaciju sastavio:
Željko Grubešić

PREDSJEDAVAJUĆI DELEGACIJE
dr. Milorad Živković